



五侯鯖



禮部右侍郎翰林院侍讀學士

郭正域序



愚執經思蘭先生門下于若思
甫即游夏之於伯魚也每誦所
作詩章膾炙人口長安傳之紙

貴便腹經筭時時叩之不窮一
日會齋中啗魚鱠見篋中手錄
小帙方聚物分多標綴家所罕
載者愚佳其足備行珍不欲其
獨為君子請與後生輩共之雖
大鼎一鬻不足盡若思之藏是

亦五侯之嘉旨也遂名曰五侯
鱠

萬曆癸卯仲夏之吉

鐫五侯鯖目錄

卷之一

天文門

天

雷電

煙

雹

霧

虹

日

月

雨

露

雪

霜

風

火

星

卷之二

時令門

春

夏

秋

冬

卷之三

地理門

地 山 嶼 石 水

池 潮 井 城

地理數類 地宅別名 園苑

道路 橋梁 館驛 墓地 異國

卷之四

宮室門

殿 宮 堂 室 閣

門 樓 亭臺 公署 寺

僧舍 塔 祀所 宮室雜類

卷之五

花木門

禾黍 花草總類 花總類 牡丹

芍藥 海棠 蓮 菊 木槿

蕉 芝 蘭 草總類

蔬菜 蔗 苔 菱芡 菰

藤 木總類 松 栢

槐	楸	桐	柳	桂
竹	梅	杏	桃	李
梨	榴	棗	栗	柿
柑橘	荔枝	龍眼	葡萄	瓜

卷之六

鳥獸門

鳥總類	鳳鸞	鶴	鴈
鳥	鵝	鳩	鴛
鸚	鷓	鴉	鷓
鷓	鷓	鷓	鷓

鶯	燕	鴿	孔雀	鷹
鷓	鵲	雀	衆獸	馬
駝	獅	象	熊	虎
牛	羊	鹿	豕	猫
犬	鼠	狐	兔	猿
猴	狼	龍	龜	鼈
蟹	蜃蛤	蜂	蝶	蠅
螢附蟬	蟻	蜘蛛	蠶	蟋蟀
虫總類		魚		

卷之七

人物門

仙

佛

釋語

神

帝

后

東宮

宗室

師

宰相

學士

六部

給諫

中丞

御史

太守

別駕

縣尹

清廉

致仕

官號別名

軍旅

輿服

雜職

寡學

花師

醫

人物別號

隱逸

孝應

壽徵

胤徵

父子

弟

夙穎

美貌

美巧

惡貌

長人

短人

勇力

辯給

獵射

耕牧

漁釣

歌舞

妾婢

僕隸

女伎

妬婦

飾容

卷之八

人事門

雜記

食貨

身體門

雜記

卷之九

器用門

樂章總 鼓 鐘 琴 棋 磬

簫 笛 管笙 琵琶 角

笳 劍 刀 戟 弩

矛盾 矢 甲 旗 鞍

牀帳 枕簟 簾 席 燈

屏風 鼎釜 盤 扇 鏡

杖 舟

卷之十

文史門

劄 異書 書藏 著作 博雅

敏捷 文瑞 士徵 宦徵 詩詠

紙 筆 墨 硯 字學

筭 畫

珍寶門

笏 璽 玉 珠 珊瑚

金 銀 錢 冶鑄 香

卷之十一

衣服門

五竹齋 目錄 五

冠巾 絲 錦 羅綾 簪服
布 袍帶 雜服 履襪

卷之十二

飲食門

肉 鮓 羹 炙 醬
醋醢 鹽 粉米 蜜 珍味

茶 酒 酒器

鐫五侯鯖目錄終

鐫五侯鯖卷之一

豫章彭儼若思甫



天文類

天文

蔚藍天天青色也 紫冥 青冥 圓靈

七月漢按戶按戶直戶正南北也 天河 天漢 天津

銀漢 許洞謂銀灣 李賀謂銀浦 絳河

明河 銀河

雷電

五侯齋

卷一

一

列缺

電光

霹靂

礮

音線 電光也

雷州春夏無日無雷秋伏地中狀如彘人取食之

雷澤有雷神龍首人身鼓其腹則雷

惠帝時雷震南山草木皆火然后于其處得龍骨一具蛟骨二具

建州山寺夜半聞人喧呶穴窓窺見數人運斤

造雷車

村民鑿山為穴祠雷名雷藏生女曰雷郎子曰

雷子

滕放夏臥雷震碎其文石枕放臥自若

禹會塗山雷震有甲步千餘人未披甲者以紅綃帕抹其額自后遂為軍儀之服

烟

昔神人過窳封人家掌出五色烟教其積火自燒隨烟上下

晉文公焚林求介子推白鴉繞烟而噪火不能燒晉人嘉之立思烟臺

關中土無火而烟起應符堅之兆

電

永初三年河西縣雨電如杯捲或大如斗殺雉
兔折樹木

宣帝山陽濟陰雨電如雞子成帝時 雨電如
斧殺人及飛鳥

劉居中至嵩山見蜥蜴數百人養之一日繞水
盆邊飲水水入口卽吐成電圓結如彈丸忽
震雷起彈丸皆失去知雨電乃蜥蜴所爲

霧

平沙千里色如金細如粉風吹起成霧名金霧
高麗人呼霧爲空步障

河南張楷字公超能作五里霧學者從之如市
后華陰有公超市

裴優能作三里霧往從張張辟不見

新山樵人常聞雷聲在山下俯看初霧如扇須
臾震霆瀰漫百里

汝南廣城陂西小山曰崆峒春秋景清明有

素霧自岩起 須臾見粉蝶 翔湊樓殿花木

虹

蛻竦一名挈貳 天弓 帝弓

有夫婦侵歲菜食而歿化成青絳故俗呼為美人

日

日名朱明 耀靈 東君 大明 陽鳥 日

御曰羲和云是女子

方朱山真人呼日為圓羅曜 九天真人呼濯

耀羅 三天真人呼圓光蔚 太素天中呼

眇景皇 上清真人呼九耀生 泰清天中

呼大明 太極天中呼圓明 王賢天中呼

微玄 東華真人呼紫曜明亦名圓珠 亦

謂始暉 泰平日出處 泰蒙日入處 下

稷日晡時

北狄骨利幹部所居北渡海晝長夜短日入蒸

羊胛熟則天明 胛音甲 夾脊肉

月

五侯集 卷一
月御曰望舒亦曰織阿阿山名有女子處其岩
月歷數度躍入月中

畫灰而月暈缺以蘆灰環月缺其一面則月亦
缺

月以宵燿名曰夜光 金樞月入處 月窟月

出處

楊隱之宿唐道人家暗不設燈唐呼女曰可放
一下弦月來女剪紙貼壁上祝曰今夕有客
願賜光明須臾朗若張燭

月宮有七寶浴池八騫之林

朔而月見于東方曰仄慝謂月當沒而更出

大荒中有山名倚天蘇門日月所生

東荒中有山名壑明俊疾日月所出

淑士國有人名石夷來司日月長短晷度之節

雨

鬱林郡北大山高隱天上有池池中石牛祈雨

以牛血和泥塗牛背卽雨雨洗之卽晴

山帶廬山有白雲如帶或亘中嶺或冠峰岩不

五日必雨

恨山縣石穴有一陽石鞭之則晴鞭陰石則雨
春曰榆莢雨 三月三留客雨 夏至前曰梅
雨 五月隔轍雨 六月濯枝雨 七月洗
車雨 八月豆花雨 九月黃雀雨 又六
月曰三時雨田家爲甘澤

天將雨則樹上有少女風少女微風一曰陽鳥
和鳴若少女

四方斗中俱無雲惟河有三雲相連如浴狶三

日必雨

昆陽泉栢枝山石泉名雨穴禱必雨

安定郡有峴陽峰上有池池中雲起如張蓋卽
雨云峴山張蓋雨滂沱

武昌城西石鼓山有三石鼓鼓鳴卽雨又龍山
將雨上聞吹角聲

萍鄉西津有玉女岡天將雨先湧五色氣于石
間俗爲玉女披衣

廬山有康王谷北嶺有城名劉城天將雨山上

有鼓角笳簫聲人以此爲候

天將雨檉樹先起氣應故名檉爲雨師

天將雨則螻飛一上一下如春將風則蝶旋飛

如磴

音穢磨也

液雨亦曰藥雨百蟲飲此雨皆蟄

露

水之美者有三危之露和之美者有揭雩之露

揭雩紫色

露氣濃甘爲甘露凝如脂甘如飴一名膏露一

名天酒

崑崙山甘露色丹著草木皎如霜雪甘如飴

八月露降草葉有聲則白鶴鳴

帝嚳時丹丘國獻瑪瑙瓮盛甘露露在中盈而

不竭堯時猶存

庶潭露皆染紅湘潭記

弘農鄧紹入華山采藥見童子執五綵囊承栢

葉上露皆如珠問之曰赤松先生取以明目

善飲國人飲甘露日出時露如珠

畢勒國人長三寸飲丹露漿

太妃宿酒苦肺熱以口吸花露潤肺

雪

峨眉山頂七月下雪謂封山至三月必有一獸

開之或虎或鹿或猿開後人纔敢行不然則

墮崖下

絳雪丹服之可延生

紺雪玄霜仙家上藥

穆天子遊黃臺之丘獵於莘澤有降雨天子乃

休日中大寒北風雨雪有凍人天子作黃竹

詩三章以哀之曰我徂黃竹負閔寒郭

晉太康時河陰雨赤雪二頃

天山冬夏有雪由首山小威空桑山亦然

燕昭王時廣延國來獻去燕七萬里在扶桑東

甚寒夏日水厚至丈雨青雪冰霜皆紺碧

嶰山州去玉門三千里雪霜著木石上皆融而

甘可以為果呼雪霰曰白雨 有積雪久不

消掘地得金羊玉馬 大雪魚負冰頰近冰

也 天雨雪平地數尺王騰營前獨融不積

掘之得玉馬尺余表獻之

霜

霜信北方有白鴈秋深則來來則霜降

廬山頂上有池池有三石鴈霜落則飛

駟見而隕霜冬裘具駟房星

豐山有九鐘霜降則鳴 鷓鴣鳥飛則隕霜

伯奇為吉甫所逐采椽而食清朝履霜自傷無罪

冰 大疑山冰千年不解 冰笋 庭澤

峇簷凝冰 霜劓冰槩禦熱

風雲

落梅風乃五月風江淮以為信風

山獐出法岳山行如風見則大風起

宮亭湖即彭蠡神廟甚靈過客無不祠能使分

風而帆南北

風穴在祝融峰雨將作陰風先自穴發

風穴茂州文山縣南八十里遠通西域惟此一

路關北當風穴其一二間風起飛沙揚石其

地名桃關

九成縣旋風望之挿天如羊角

白崖山巨穴如井不知淺深井口津津如汗氣
出如白雲湏臾風起怒如雷號里人見雲知
風盛則風猛細則風小散則風定

鄭弘爲仙人取箭仙問所欲弘曰若耶溪載薪
甚難願旦南風暮北風至今爲然號鄭公風
五王宮中立長竿挂五色旌四垂皆綴金鈴聲
響卽知風候

崑崙山有祛塵風衣服塵汗風吹則淨

風從震來名嬰兒風

南中六月東南風俗名黃雀風時海魚變黃雀
故名

西海山上有石鼓海行聞石鼓聲鯨魚起而風
至

離合風至則草木發生去則搖落故名

沮陽縣黃竹山常蕭蕭有風名風門石尤逆風
長安宮南靈臺有相風烏或云遇千里風乃動
王者德至山林則景雲出五色爲瑞三色爲

五佛集 卷一
霽 四方有大雲五色下有聖人隱

舜將興黃雲升堂湯將興白雲入房

宣和中艮岳初成令近山造紬絹囊張危巒絕

巘雲盡入其中遂括囊以獻名貢雲車駕所

臨縱之滃然克塞如在巖壑間

如羅雲雲如羅妙鬢雲雲如美人髮樓閣雲雲

如樓閣

濯魚雲疾者立雨遲者雨少難至

方朔至東極吉雲國國有吉事則五色雲起照

人著草木成五色露味甘

火

老槐生火久血為燐

鬼火

樵蒸

炬火也

邵信臣在匡衡坐漱酒救南陽火

佛圖澄常與石季龍升中澄喫酒救幽州火有

雨滅之皆酒氣

郭憲從南郊舍酒三喫知齊失火后齊果上火

事

樊英居壺山含水西向喫成都火火時雨自東

至又樂巴事

嶠山有鳥狀如鴉赤身白首名竊脂又符愚山
鳥名鵲狀如翠赤喙俱可衛火 矛頭生火
兵兆也 神丘火穴光照千里

遙火山有火井炎氣上升常若微電以草爨之
烟騰火發其山似火從地而發故名熒臺
南方炎山惟春月火不然山草木生枝條四月
火然草木脫葉如中國寒時行人春過此山
取此木然之無燼取其皮績之爲火浣布

燧明國不識四時晝夜有火樹名燧木屈盤萬
頃有鳥名鸚啄樹則燦然火出

春秋潛潭巴曰火從井出時有賢士從人起賢
者屈滯象從井出 姚光有火術積薪焚之
火盡光振衣而起

星

靈星漢高詔祠靈星以祈穀也

壽星角亢也數起角亢列宿之長又謂老人星
天鼃辰星次名一曰玄枵 軫南衆星曰天庫

天子府藏 紫微宮外有天牀六星 離珠

五星在須女北為藏府 瓠瓜星為天子果

園 景星王者不私人則見

老人星即南極秋分夕見于丙 天一星在紫

垣端門之左位 三心五味味五星即柳星

為鳥星之口故曰味 王良即天駟星 高

閣營室星 罔車畢星 青林天苑星 威

弧星名天狼下有四星曰弧 攝提形似車

直斗柄所指以建時故名

象緯象星之垂象於天者緯五星也又星定者

為經動者為緯 玉衡星北兩星為玉繩

欖槍妖星楊雄欖槍以為綦綦履跡言蹈惡人

跡

女星傍一小星名始影婦女于夏至夜候而祭

之得好顏色始影南並肩一星名瑄朗男子

于冬至夜候而祭之得好智慧

鑄五侯鯖卷之一 終

鐫五侯鯖卷之二

五侯鯖

豫章彭儼若思甫著

時令類

春

春為青陽 正月陬 二月如 三月病

立春日迎春東郊車旗服飾皆青歌青陽舞雲

翹

寧王春時紐紅絲為繩綴金鈴繫花稍鳥集令

園吏掣之以驚禽謂護花金鈴

都人士女春時供帳園圃或郊野為探春宴

長安士女春時鬪花多者為勝又春遊野步遇

名花藉草而坐解裙繞四圍如奕棋然謂之

裙幄

許慎選與親友結宴園中取落花鋪坐下謂花

裊

蜀人日士女渡江南蛾眉磧作雞子卜擊小鼓

唱竹枝歌又云重孔明此日傾城出遊向八

陣圖磧謂踏磧取小石可穿者貫以綵索繫

欽頭以為一歲之祥

蜀人于二月二日携酒饌鼓樂于郊外飲宴至

暮而還謂迎富

立春食生菜取迎新之意及進漿粥以道和氣

范蜀公居許作長嘯堂前有茶藤架花時宴客

有花落酒盃中飲以太白舉坐無遺謂飛英

會

唐穆宗春花開時以重錦幃之置惜花御史號

括香

正月謂三微月陽氣始施萬物始動微而未著

又曰三元 又曰四始歲時日月

元日爲天膺宜求禱子息 元陽蠶汴中食

椒栢酒玉衡之精服之身輕次第先年少者

正旦天子循陽德殿作九賓樂樂畢作魚龍曼

衍黃吹三匝

魏武帝元日設白獸尊于殿庭獻直言者發而

飲之 漢時正旦放鳩

元旦冬至百官已集列樺燭至五六百炬象城

謂之火城宰相至滅燭避之樺燭卷樺木皮

爲燭

詔曰正會百僚增祿賜醢醪酒人二升

元日帖畫雞戶上懸韋索插符于傍百鬼畏之

元日啖生雞子謂鍊形五辛菜助五臟氣

岳州自元獻歲隣里飲宴至十二日至謂其日

爲雲開節

長安元日以后遞飲酒相邀迎爲傳坐

洛陽人家正旦造絲雞蠟燕粉荔枝宋人啓云

瑞霏餞臘粉荔迎年

三朔夏以天明殷以雞鳴周以半夜

元日取五木煎湯浴令人至老髮鬢黑道家謂青木香亦云五木

盧耽學仙術解飛騰元旦朝會不及朝列化爲白鵠徘徊威儀以箒擲之得隻履耽驚就列左右駭異

屠蘇一草庵昔有人居此庵每除夕遺閭里藥令浸井中元日合家飲之不病

人日剪綵爲人貼屏風或戴頭上又造花勝相

遺 劉臻妻剪綵或金箔爲之 六上菜

蜀金燈山有淵人日以油洒水上觀其紋以驗一歲豐歉

壽陽公主臥含章閣簷下梅花落額成五出后人爲梅花粧

明皇上元貴戚例有黃柑相遺謂傳柑

上元造火蛾兒食玉梁糕

楊國忠有千炬紅燭圍左右人稱燭圍 油畫

五侯魚
卷二
明珠油餠也

韓國夫人置百枝燈百里皆見光奪月色
風俗祭門先以柳枝插門隨枝所向祭之
唐時上觀燈出宮衣爲歌舞令朝士能文爲踏
歌聲調入雲

開元帝爲葉天師曰今夕何處最麗對曰廣陵
俄虹橋起板閣架虛欄楯如畫上登之頃刻
廣陵見燈火之盛皆仰面曰仙人現五色雲
中帝悅勅伶官奏霓裳曲后數日果奏云

吳縣張成夜見美婦謂成曰此地君蚕室我地
祇以白膏粥祀我令君蚕百倍如言祀之果
大得蚕

漢立社于洛無室惟有門墻 二月十五汴中
有湟槃粿食

天子大社以五色土爲壇封諸侯取方面土并
以白茅授之各以其方色以立社于其國故
謂授茅土。二社汴有辣雞鸞

漢祖定天下詔御史治枌榆社帝旣作新豐亦

移舊社衢巷棟宇物色雖舊士女老幼各知其室放雞犬于通途亦知其家匠人胡寬所營也 二月朔中和節民以青囊盛百谷瓜果種相遺謂獻生子

寒食粧萬花輿煮桃花粥 冬凌

龍星木之位春屬東方心爲大火懼火盛故禁火有龍忌之禁則禁烟未必爲介子推也

天寶諸陵以寒食薦餠粥雞毬雷車 又宮中至寒食競築秋千令宮嬪笑爲宴樂帝呼爲

半仙戲

古之豪家食稱畫卵今猶染藍茜雜色加雕鏤通相饋遺 齊人呼冷節又曰熟食又曰禁烟 居人遇寒食采桐葉與細冬青染飯色青 寒食新進士于月燈閣置打球宴或賜宰臣以下醑醪酒卽重釀酒

上巳婦人以薺花點油祝而洒之水上成龍鳳花卉狀則吉謂油花卜

荆楚三月三鬪百草 手裏行厨汴中食

上巳賜宴曲江都人于江頭禊飲踐踏青草曰

踏青

三月三日以木雕為兔分朋走馬射之先中者
勝其負朋下馬奉朋人酒勝朋馬上接飲之
蕃呼此節為哀陶花陶哀是兔花是射

唐賜侍臣細柳圈帶之免毒蟄

華林園千金堤作兩銅龍相向吐水以注天泉

池通御溝三日 石季龍臨池會

明皇樂民清明鬪雞戲因置雞坊

京師清明四野皆如市芳樹園圍羅列杯盤互

相勸酬歌舞徧滿

夏

夏為朱明 赤帝司夏夏則衣赤衣佩赤玉乘

赤輅駕赤龍載赤旂迎夏南郊

祝融火正祝甚融明也 四月余 五月臯 六月

且 稽康性巧好煨宅有柳夏月居其下以

煨 長安富人暑月于林亭結錦為涼棚召

名姝間坐為避暑會

夏樹名連陰夏雨名綿雨 立夏日服六癸六
壬符暑不能侵

陸機夏在洛忽思東頭竹篠飲語劉寶曰吾思
鄉轉深矣

長安冰雪夏月價等金璧 四月遊江解葛纏
草木云解繳

李德裕有白龍皮消暑 同昌公主澄水帛消
暑冬月如挾纊 漢午日賜百官臬羹

赤靈符書著胸前以辟五兵

桃印漢以止惡氣今以綵繪篆符相問遺 午
時爲天中節

洛陽木羹艾酒相問遺以花絲樓閣插髮遺贈
辟瘟扇 羊肝餅如意圓

太宗午日賜臣下飛白扇二枚庶動清風以揚
美德 宮中造粉團角黍以小角弓射之中
者得食 賜學士諸官壽索

風俗以綵絲繫臂爲續命縷一名辟兵縉一名
條脫 競渡戲謂浴蘭節

軍中以午日走馬謂躡柳 午日取蠅虎槌碎
拌豆置几上自踴躍可擊蠅

孟嘗君王鎮惡俱午日生 漢中五月觀渡處
有踏石

胡廣姓黃以午日生父母惡之藏葫蘆置江流
人取養之后有盛名父母欲取之兩無所歸
遂改姓胡 又午日爲地臍可謝罪求福

又唐俗銀樣鼓兒 夏至前十夜伺舟水中魚
浮水則赤光上照如火 至日取菊爲灰止

小麥蠹 北朝婦人至日進扇及粉脂囊皆
有詞 至日著五綵符辟兵題曰游光厭五
兵厲鬼知其名

魏鄭公三伏時同賓僚避暑于使君林取蓮葉
盛酒同飲名碧筒酒

漢伏日詔賜從官肉方朔私割肉事

國忠家伏天取大冰使匠琢成山圍燕席間須
酒酣各有寒色又作鳥獸形口

郗嘉賓伏月詣謝公須復當風交扇猶沾汗流

離 伏日汴有綠荷包子食

餘杭熱不可過獨中和堂東南頰下瞰海門三
伏常蕭然

秋

秋為白藏 白帝少皞 七月相 八月壯

九月玄 立秋祀黃帝迎氣西郊樂奏黃鐘歌

西顛舞雲翹

八月朔作飲食為臠俗曰臠臘

仲秋甲戌天子東遊次雀梁蠹書于羽陵謂暴

書蠹蟲因曰蠹書 周秦八月遣輜軒使采

異俗方言藏秘府 賈珮蘭言宮中八月四

日出北戶竹林圍棋勝者有終年福

京師立秋男女皆戴楸葉賣者盈市 八月十

五楚俗以朱墨點小兒額為天灸以厭疾

明皇常製秋風高曲奏之清風遠來庭葉交墜

洛陽人間乞巧造明星酒裝同心繒使蜘蛛結

萬字 織染署七日祭杼

七日王母降方朔于朱雀牕中窺之見母以七

桃獻帝 又七日帝齋承華殿忽青鳥從西來朔知王母至二青鳥侍母傍

武帝有曝衣樓宮人七日出后衣曝之又郝隆事又阮咸犢鼻褌事 七夕以蠟作嬰兒浮

水中爲戲爲婦人生子之祥謂之化生本出西域謂之摩睺羅 汴有羅睺羅飯 又陳

磨蝎樂奉佛經摩睺羅

唐官人七夕以蜘蛛納金合中曉開視蛛絲稀密爲得巧多少

七日戚夫人侍高祖臨百子池以五色縷相羈謂爲連愛

蔡州蔡氏七夕禱以酒果忽星墜筵中明日瓜上得金梭巧思益進

尼李真如天寶間七夕見五色雲墜一囊中有五物乃寶玉也 八月朔日作五明囊盛百

草頭露洗眼 中秋有月是歲多珠 汴有翫月羨 孟蘭餅餌

中秋夕人翫月見林中光燭天如匹布視之有

一金背蝦蟇

趙知微有道術中秋陰晦命備酒餚登天柱峰
出門天開霽登峰月光如晝下山淒風苦雨
鐘陵西有遊帷觀每中秋車馬填塞貴遊多召
名姝善歌者與丈夫間立握臂連踏而唱以
應答敏捷者爲勝有書生文簫遇仙女吳綵
鸞與私天帝謫爲簫妻同歸鍾陵

謝尚鎮牛渚秋夕泛江會袁宏于別舫諷詠音
韻清朗詞意藻拔尚卽迎宏舟吐華達旦

武夷山神武夷君令村人秋夕登山見幔亭綵

屋設寶座施紅雲紫霞褥聞空中樂響酒行
食味皆美仙旣去衆悅名其地爲同亭三水

九日唐德宗作黃菊歌示韋綬綬奉和附進又
曲江別會綬爲集賢學士不與百官同宴

九日宋武帝登項羽戲馬臺至今爲故事
高祖九日登高飈館時呼九日臺

陶潛九日無酒有白衣人送之乃王弘也

宮中九日佩茱萸食蓬餌飲菊花酒令長壽

都人以粉麵蒸糕相遺上插剪綵小旂糝釘果
實如榴栗銀杏松實

洛陽人家作迎涼脯羊肝餅佩瘦木符 米錦
重九糕

冬

冬爲玄英 冬日暢月以民無事閑暢 其帝

顓頊 其神玄冥 立冬衣玄衣佩玄玉乘

玄輅駕鉄驪玄旂迎冬北郊 十月陽 十

一月辜 十二月涂 申王冬月寒極使宮

妓密圍坐坐側呼妓圍

國忠寒月選婢肥大列于前藉其氣以相煖謂
肉陣

太康二年冬寒南州人見二白鶴于橋下曰今
年寒不減堯崩年 南詔以十二月十六爲

星迴節

李輔國置鳳首木刻如鸞鳳形和煦如二三月
名常春木 十月十一日黍臠設麻羹豆飯
爲始熟一嘗新耳 冬至日行遠道周四極

命之曰玄明天 煎餠綵珠戴一陽巾 冬
至薦黍糕先薦玄冥及祖禰 至日獻履所
以迎福踐長 至后百三日爲炊熟日以將
禁火先具饗殮 至日作赤豆粥禳厲鬼鬼
共工氏不才子畏赤豆 近古婦人上履襪
于舅姑踐長至之義

唐開元冬至雪簷溜皆冰條妃使侍兒獻二枝
翫之謂冰筋

赤土國直崖州南渡海經雞籠島冬至日影在
北夏至日影在南戶皆向北
臘冬至後三戌日臘祭百神

汴有萱草麪食八日有法王科斗食

夏曰清祀殷曰嘉平周曰大蜡漢曰臘臘者獵
也因獵取獸祭先祖新故交接也 蜡月二
十五煮赤豆粥合家食之謂數粥臘者祭先
祖蜡者報百神同日異祭 洛陽人家此日
造脂花餽 村民臘日打細腰鼓而宴諺云
臘鼓鳴春草生 賜北門學士口脂臘脂盛

五侯集 卷二
以碧縷牙筒 又賜銀合子駐顏膏牙香綉香袋

宣帝時陰子方臘日晨炊竈神見子方以黃羊祀之后遂驟富故后人臘日祀竈 臘日上藻豆袋及頭膏面脂口脂 中尚署進衣香囊 裴度除夜儺者至曉不寐爐中焚商陸火凡數添

漢武除夕因得鉤弋夫人后人為藏鈎之戲 鐫五侯鯖卷之二

鐫五侯鯖卷之三

豫章若思甫彭儼著



地理類

地

天子之地一圻圻方千里列國一同同方百里 大矩在下呂氏春秋謂地 甌臾地之坳坎處南至濮沿四極也 金陵者洞虛之膏腴句曲之地肺水至則浮曰地肺肥饒曰膏腴 天下貢賦惟長安縣貢土萬安縣貢水

唐時新豐縣露臺鄉大雷雨忽有山湧出二十
丈池三百畝池中有龍鳳之形禾麥之異武
后以爲瑞應名慶山 穆王至群玉山四徹
中繩先王所謂策府 五百歲天下名山一
開開時有金玉之精湧出山椒山顛 堂密
山形如堂 大禹生廣柔縣石紐村廣柔今
石泉石紐今鼓山山上常有五色霞氣 青
陽縣有九子山有九峰如蓮花李曰割其舊
號名九華 陳倉山有石似雞趙高燒山雞

飛去晨鳴山巔聲遠聞三千里今寶雞縣因
是得名 景山鴈南翔北歸徧經其上人謂
鴈塞山香山吳士遣美人採香於此因名又
有採香徑雩都君山風雨後聞絃歌聲人謂
仙宮翠麗鮮明若臺榭又名媧宮
渠有禮義山青州有文章嶺涪有錦綉洲
天目山前有兩湖如目故謂之天目高三萬八
千丈大松有三十圍者

三姑山黟縣東有靈山山有三峰名三姑三年

王仲集 卷三
一遇火自燒百姓放火不然

赤甲山公孫述築此山土石赤如人袒臂故名
與白帝城相連

江郎山在衢州山上有池池產碧蓮金鯽

蘇門山一曰蘇嶺卽阮籍見孫登長嘯處在衛
輝 丹雀山北臨丹水赤壁如霞

浮玉山西海西有穴穴中有水色如火入夜照
耀波濤湧蕩不滅名除火

綠蘿山有明月池碧潭澄徹百尺見底素巖若

雪松如插翠流風響阿有絲桐之韻

抱犢山在上黨后魏葛榮亂民抱犢于山故名
謝羅山晉人謝允捨羅邑宰隱太和山故又名
白雉山有白石雉遠望首尾伸足翔翼若虛中
翻飛 雷首山一名獨頭山夷齊隱處

武當山一名笱嶺輕霄蓋其上白雲帶其前

四明山高峰軼雲連岫蔽日 閩風山在崑崙

上 白鶴山在臨海郡有泄水懸注如倒挂

白鶴故名

白鹿山荆門山臨江皆絕壁禽鳥不能度忽有

白鹿過江人競逐之忽踰岡飛去故名 山

東出清水溪曰瑤溪又曰瑤澗

天台赤城山上有石橋廣不盈尺下有萬丈深

澗

落翮山王次仲變篆為隸始皇欲殺之仲化鳥

振衣而起使者告無以復命落三翮

明皇登泰山益州進白驪乘之易于登降禮成

下山驪即磴上神之封白驪將軍 之罘山

在東萊睡縣 五岬山名又山禿完 泰山

金雞乃山之精 泰山三路須作一處 泰

山亦曰天孫 言為天帝之孫

衡山亦名响嶺山山多青鸞鳥多鷓鴣 衡山

有舜廟太守蒞官遣戶曹致敬修祀如有絃

歌之聲 衡山三峰一名紫蓋天氣明徹每

見雙白鶴曲翔其上一名石困下有石室有

誦讀聲芙蓉峰上有飛泉如舒白練分映青

林直注山下

南陽道人劉麟之采藥衡山絕谷不能進遙望

三石困一開二閉傳困中皆仙靈方藥

衡山有峰勢如鴈迴故名迴鴈峰

嵩山西北峰名望都天晴望見洛陽隱隱如車

蓋東北一峰號鷄鳴五更初便見雞鳴

嵩山棲神靈藪有長松綠柏尚有昔人任處銅

鈿器物在焉東北出雲有自然五谷神芝仙

藥

北岳有五別名一蘭臺府 列女宮 華陽臺

紫微宮 太乙宮

廬山一曰天子都一曰天子鄣 廬山七詠謂

蓮花峰石鏡虎跑泉聰明水白虎洞鐵船康

王廟

王玄仲登蓮花峰約寺僧到峰頭起烟為信數

日果有烟起二旬乃下僧問之仲曰上有池

池中齒蒼盛開中有破鐵舟

北邙山是隴山之尾一名平逢山一名鄰山

鍾山舊名金山漢末金陵尉蔣子文討賊戰亡

靈發於山立蔣祠因名蔣山

天台山山有八重視之如一幅又有飛泉懸流千丈似布

羅浮絕頂常紫霞聚峰上名聚霞峰又有朱明洞有碧雞群飛絕巘或獨鳴空林可見不可取 本蓬萊山有璇房瓊室七十二所

九疑山有九峰一丹朱石城樓溪形如樓 娥皇下有舜池春日百鳥生卵人取則迷路不可得 舜源多蘭女英

簫韶峰下卽象耕種處 紀峰馬明生遇安期

受金液丹處 紀林周義山開石函得經讀

之昇仙處又有九水七流嶺北二則翻注廣

南 會稽縣東南有仙人射的山遠望如射

侯西有石室謂射堂 土人以占年曰射的

白谷斛百射的玄斛一千

勾踐得諸暨苧蘿山賣薪女西施鄭旦先教習

土城山后獻吳王山邊有方石傳是西施浣

紗石 白鶴山在射的山西水中云爲仙人

取箭刮壤取索遂成此山 浮石山在海中

獨峙常浮水上 南海四會縣金剛山往往

見金人見山側

崑崙山三角正北名閻風巔正西名玄圃臺正

東崑崙宮王母居焉有珠樹玉樹不死樹沙

裳樹珠類琅玕樹

麻林山句踐伐吳種麻此山為弓絃

砥柱山一名三門山南曰鬼門中曰神門北曰

人門舟楫不通惟人門可通木筏

龍盤山有石長三十丈高五丈當中有戶及扉

若人掩閉故老謂玉女房

仲山在西安府涇陽縣西相傳漢高兄仲所居

又云仲葬此

嘉林獸無虎狼鳥無鴟梟草無毒螫野火不及

斧斤不至廣昌有五迴嶺

武功太白去天三百孤雲兩角去天一握山水

險阻黃金子午蛇盤鳥樞勢與天通

山曲曰盤音周水曲曰屋音質

鳴女牀之鸞鳥舞丹穴之鳳凰女牀丹穴二山
名 女几山在河南府宜陽縣白蘭香神女
上升遺几在焉

華山落鴈峰在西安府太白登此山最高云呼
吸之氣相通帝座矣恨不携謝眺驚人詩來
問青天

嶼

潮州有白嶼洲自海浮至會稽
龍涎嶼浮海上春時群龍遊戲吐涎其上番人

得而焚之清香可愛價值中國九千錢一斤

翠藍嶼男婦無衣以木葉自蔽以魚蝦芭蕉椰
子為食不出谷米

陽城澱饒菱藕女子采之者長歌陽春愛深綠
水謔歌者自得掇拾者忘疲

長沙三絕貓頭笋一枚重秤黑頭取魚一網千
斤巨艦漕米一船萬石

石

契丹東丹王突買巧石數峰目為空青府

西海北山有石赤白二色以兩石相掬擊則石潤擊之不已潤盡火出山石皆然不可撲滅有大風出自流沙掩之乃滅石如初

嘉石文石司寇平罷民有罪者桎桔而坐嘉石罷民強惡不附法者肺石赤石窮民無告而未達者立於肺石 九子石在弋陽縣水左石形似印 玄礪黑砥石出京山之陰 然石建城縣西有羊山有石色黃白而理疎以水濯之熱可煮物 熱石臨武縣山有此石

置物其上立燠 嵩山有玉女搗帛石瑩潔

人云立秋前一日中夜長聞杵聲 文石歷

陽縣西北有山多石文理成字 班石廣信

縣壽鄉有孤巖上有班石石皆五色 風嵐

石沃焦山有石飄落海岬得之滴水磨硯染

物晝見夜隱 松風石天餘國所貢盛夏颯

颯有松風涼生其間 馬伯第登太山見一

石五車載不能上因名五車石石是武帝時

楚魏叔通性孝為母汲江水水正流難得忽生

橫石正流中就汲名孝子石 鏡湖有軒轅

磨鏡石 官亭亦有石鏡 吳縣花山翁夢

幽邃晉時生千葉石蓮花 玉門西南有國

山中歲生石磻津 卽石胆數千名霹靂磻

桑維翰壽韋潛德南太湖石上有金飾字曰寵

僊 辰州三山鼎足直上夸父逐日息此煮

飯是三山支鼎石也 條支國馬肝石和丸

轉丹能黑髮 寶應縣雷公石形如斧賦如

青玉置日中光氣連天 荊州永豐縣臥石

如人若雕刻青黃隱起歲旱祭之小舉小雨

大舉大雨 龍駒石胡人以十萬購之以水

浸石有馬見石中狀如飛動以石浸水飲馬

馬卽生龍駒無價寶也 崑崙有孤石高三

十丈似甌人謂石甌 安康石在金 歲飢

則見豐則沒沙磧中 武昌記盤龍石有龍

盤此苟井里之厥厥發石也 牛心石出秦

山甚奇 礮石鶴常取此石圍卵以助煖氣

潛英石色青輕若羽毛寒則溫暑則冷 窮石

弱水出于窮石入于流沙 石留土地多石
如人之留結 碑低 石黑石可染繒曰石

廩在臨川縣容千斛開口歲豐閉則歲歉
攬墮石圓而長能澄濁水令清 減劫玄厲厲

黑石可用磨 音緝 醉石淵明居栗里

兩山間有大石仰視玄瀑可坐十人因名

虛谷東英巨山有石人坐盤石上體上塵汚則
生風濕潤則致雨晴則遍體鮮潔朗然玉淨
具藺石布渠答渠答鉄疾黎也

水

禹治水迷之一國無風雨鳥獸有山名壺嶺頂

有口若圓環名滋穴有水湧出名神瀆臭過

椒蘭味過醪醴 洪連海浪也 凡水其方

折者有玉圓折者有珠清水有黃金龍淵有

玉英 大曆末澡州東鹿水影長七八尺遙

望見人馬如在水中近視不見 青州有水

影異常謂地鏡 漳州界水號鳥脚步者足

如墨剌山上有水甚寒人謂帝臺漿 泊

柏海中小波 滄洲山下出澄綠水亦謂流
綠渠投之金石終不沉沒 湘水至清深見
底了然石子若樗蒲白沙若霜雪赤岍如朝
霞 南昌國水色如爛椹可以染龍魚龜鱉
砂石草木無不紫 郴縣南陂村有圓水一
邊煖一邊冷冷處水極清綠淺則見石深則
無底煖處水白且濁 玄滬水自陽虛山入
洛 齊孝婦誠感神明水湧室中以績籠覆
之無負汲勞人疑之俟其出見之發此籠水

遂湧漂居室故名籠水 濰渙二水澄波五

色有文章魏文帝云遊睢渙者學藻繪之綵

洞庭九水元漸沅辰敘酉資澧湘 蒲昌海一

名鹽澤停水冬夏不減皆以潛行地下南至

積石 海旁有蜃氣如宮室樓臺人馬歷歷

可見謂海市 崑崙頂有海眼二一東流一

西流復轉于東若海眼水大河水亦大水小

河水亦小 凌山葱嶺北坎雪積陵春夏不

解懸釜而炊席冰而寢七日出山有清池曰

熱海 庭州灞水金鉄皆漏弱水弱毛黑谿
玄髮鄜延之川日夜脂流悉唐制角畔怯腐
手 楊林江水出火可以然物 西江別支
爲弱柳江 洧盤水出崦嵫山 武王沉璧
而熒光五色出河休氣四塞休青雲氣
天降瑞應河水清清變白白變赤赤變玄玄變
黃各三日

黃河十二月各有水名 正月凌解水 二月
白蘋水 三月桃花水 四月麥黃水 五

月瓜蔓水 六月山礬水 七月豆花水
八月荻苗水 九月霜降水 十月復槽水
十一月走凌水 十二月感凌水

陷河北人謂活沙人馬履百步外皆動遇陷處
數百人皆沒 瀕海島上水多鹵有如剉藥
投其中者惟淮波截海而渡味甘色徹愈病
析醒其國或怠朝貢則淮水不至多疫旱

濟水伏流暗經東阿縣今東阿井水煎之爲膠
名阿膠可已疾 渭水出鳥鼠山鳥鼠同穴

山地之幹也 洪水曰沈蓄古灾也 秦居

渭陽而水數赤 白水出崑崙飲之長生

渭水有蛙大如鼎里人聚觀數日而失神龍中

湖武都郡前有湖冬夏水不增減義興初有白龍

升天 姑蘇臺東有丹湖萬頃內有銀塘

玄武湖是金陵勝處一口 丹陽縣練湖每年

生一物或荷或菱芡或茜草過一年種盡易

常州有漏湖湖中魚每一種聚一處不相混雜

漏音格覆笥山上有大湖靈果異物皆不可

識 桓冲刺江州遣人訪廬山靈異既陟崇

巘有一湖桑樹周匝有大群白鷺又有赤鱗

魚 句容吳續塘湖水半冷半熱皆有魚交

人輒歘 溪寒溪夏時居之懷袖恒有寒氣故

名 虛牝溪谷也 百管溪周丈余水極沸

涌如猛火煎油聲

桂陽郡西南橫溪水深冬夏不乾俗謂貪溪飲

者輒冒財賄 處州東有惡溪多水怪段成

式刺史有善政怪潛去民謂好溪 山陰縣

西有二溪東溪冬煖夏冷西溪冬冷夏煖二溪

北出流合一溪而温不雜 泉皮縣有熱

泉以生物投之湏臾爛熟 施州南塞石舊

溪旁有泉七眼爲七眼泉 温泉水出流黃

則温神人所煖能療疾 白雲泉在吳縣天

平山樂天有絕句范文正繼作名遂著 玉

漿泉鳥鼠俗爲高武隴絕壁千仞乏水諸羗苦

隋盧績馬跡踐處飛泉湧出故名 靈運題

華子岡詩石燈映紅泉 汲郡有美泉溉種

出谷香美 温泉西在新豐北在廣平 又

新陽惠澤中有温泉遙望白氣如煙狀如綺

疏又如車輪雙轆人傳有玉女乘車投此泉

今猶見其姿儀光麗往來倏忽 新城下冷

泉如冰湖縣有泉煮則爲鹽有醴泉用之愈

疾 安寧州潮泉一日三溢三焦連州有斟

泉一日十溢十竭貴州城外有漏洩一日百

盈百竭 土門軍蘆葭泉馳馬千頭飲之不

竭 允街谷泉眼中水交旋如盤龍手撓破

之應手成龍驢馬將飲皆驚 濟南山水甲
齊魯泉甲天下濤噴珠躍金霏碧停韻琴筑
而味肪醴莫殫品狀 江乘縣有泉半温半
冷共出一壑 梁山縣多喜山有雌雄二泉
一名浴丹泉夏春左盈右竭秋冬右盈左竭
又邳縣温泉下流有田資以灌溉冬種春
熟 咄泉出壽泉縣大咄則大出小咄則小
出 泉卜江津西有井泉常以水之盈縮卜
宰牧之賢否

池

穆天子西征休于玄池三日奏廣樂名樂池

太液池中起三山象蓬萊瀛洲方丈刻金石爲

魚龍有采蓮鳴鶴之舟 雷池在祝融峰禱

雨有應 華清池祿山以玉石爲魚龍鳧雁

仍以石梁石蓮花獻上悅命沉池中上因幸華

清至其所解衣將入魚龍鳧雁皆奮舉翼狀

如飛動 建昌宮池像北海中有豫章臺石刻

鯨雷雨作魚皆鳴吼鬣尾皆動 昆明池二

石牛女于池東西以象天河 滄州良金池
 水石沙泥皆如金色 靈巖山上有池旱亦
 不壑中有尊甚美夏食之去熱 員嶠山星
 池周千里水色隨四時變有神龜出爛石上
 此石常浮水上方數百里色紅質虛似肺燒
 有烟烟升天成香雲遍潤成香雨 仇池有
 九十九泉萬山環之可以避世如桃源 玄
 陰人見群僧浴水乃群蛙也 女人國有黃
 池女子入浴出即懷妊 博廣池在武陽城
 北池多名蟹佳蝦歲貢王朝充膳府 息壤
 江陵南門外甕門內東垣下有小瓦屋堂室
 禹所造龍宮以塞水脉毀之水患不可測培
 之則水患消

潮

早潮下晚朝上兩水相合謂之沓潮 桂林府
 聖水巖子時潮起午時潮落每三五十年必
 有一大潮 瓊海之潮半月東流半月西流
 無定與江浙欽廉潮不同 潮穴連州斯溪

西通淮水有穴若井或枯涸彌年或一日十
盈如潮水 灘龍門之險懸船而行蜀江謂之
釣灘 松柏灘在青神縣多覆舟張逸禱江
神移五里 翰林灘天聖中鑿石爲曲水后
名翰林

井

伯益作井龍登玄雲神棲崑崙 瑯琊有水井
厚丈余 雍丘縣夏后祠前神井能興霧電
海中女國有神井視之生子 景公寺前八角

井有公主過令婢以銀稜碗就井水悞墜月

余得于渭河 上黨陸承宅井中得錢數萬

柳州有相嶺西麓下潮井一日三涌三落 甌

甌井甌 鬱木郡古井名司命井半甘半淡

凌雲臺水井六月猶堅 宜都佷山縣風井夏

則風出冬則風入 庾儵宅近南城有水井夏

月凄寒作寒井賦 益陽縣金井數百故老

傳金人以杵擊地輒成井 崑崙山九井以

玉爲檻 神農所生地亦有九井 瑩臺火

井在臨邛其泉皆油爇之可然人取為燈燭
臨邛粉井得水汰井則益光 羅宵山石井天

旱祠之以木投井即雨至井泛木出雨乃止
少室山雲井井出雲母 沸井延陵季子廟前

井水恒自沸涌因名 有泉自出不鑿而成
為浪井 蘭陵華山有井鳥巢其中金喙黑

色團翅見則大水 綠珠井在白州雙角山
下故老云飲此水者誕女多美麗 臨邛火

井漢室之盛則赫熾桓靈之世火漸微

長江縣北伏龍山下池窪若池井以火引之則

聲隱隱然發于池中少頃炙熱夏月雨停水

即沸熱涸則土上有烟觀者至焚其裾

城

方城上垣為睥睨言于孔中睥睨非常女牆言

其卑小比之于城若女子之于夫也堞亦女

墻 涼州城有臥龍形故臥龍城 樵櫓城

上望樓 高駢築成都城名大玄城 滴博

蜀西山城名 長安州皆是黑壤城今赤如

火堅如石 踰隱待之隱短墻 斗城長安
 城象南北二斗 却月城在沔陽 南武城
 吳王闔閭所築 曹州漆園城莊周為吏處
 玄菟城徙遼東 方城云在南陽葉縣南 崑
 崙積金為天城面方千里 不夜城在陽城
 東南古有日常夜出言不夜以異之 白下
 城疊白石因山為城世稱石頭城 快馬城
 在雲中府即塞上翁所居之地翁六國前人
 姓李 長城土色皆紫故名紫塞

地理數類

三壺方壺蓬壺瀛壺 鴻言八方鴻大也 三
 河天河地河中河 三源桃源玉源靈源又
 三源夫人 陝西鳳州妓女翠柳皆可愛又
 公庫酒美為三出君州四出漆粟筆酒
 西湖十景 五湖秋月 蘇堤春曉 斷橋殘
 雪 雷峰落照 南屏曉鐘 麴院風荷
 花港觀魚 柳浪聞鶯 三潭印月 兩峰
 插天

桃源八景 桃川僊境 白馬雪濤 綠蘿晴

晝 梅溪烟雨 尋陽古寺 楚山春曉

沅江夜月 童坊曉渡

瀟湘八景 烟市晴嵐 漁村落照 江天暮

雪 烟寺曉鍾 平沙落鴈 遠浦帆歸

瀟湘夜雨 洞庭秋月

四鎮揚州會稽青州沂山幽州醫無閭冀州霍

山皆山之重大者南詔西珥河即古牂牁江

河形如月抱珥 五茸吳王獵處五茸春草

雉媒嬌 內三關居庸關隸薊州 紫荆關

隸保定提督 倒馬關隸保定

山西外三關 雁門關 寧武關 偏頭關

地宅別名

熊館熊行十里必有跽伏之所在林木岩谷中

山民謂之熊館 鹿市蜀順磨山有穴如磨

口故名高七百二十丈崖岩直峭諸山之鹿

一日一聚其中號曰鹿市 狼村幽王時群

臣狼食故築城避之故洛中有避狼城又有

狼村是其處 燕室丘湘水去泉陵城七里
水上聚石曰燕室丘丘民見二黃龍狀如駒
馬小大凡六出水 龍場方丈山一名蠻雉
山東有龍場方千里龍皮骨如山阜膚血如
流水燕昭王以龍膏爲燈澄澈清若水光焰五
色人以爲瑞 龜沙張儀克蜀以龜行跡築
城方不頽故云 鱉津鱉所在上必有沫水
謂之鱉津捕者以此得之 螺亭南康有女
采螺爲業后爲螺食其肉故建亭名之

蜂臺蜂王所居叠積如臺 蟻樓蟻居若樓又

曰蟻宮 蜜房蜂釀蜜其房如脾今謂蜜脾

蜂衙蜂有兩衙朝其主之所在衆蜂旋繞衙之
朝衙畢方出採花暮衙畢方入房 螳城有
嚴師者善卜地見山岡有王者氣掘之只見
螳城數丈雉堞皆具子城樓櫓若彫刻樓中
二大螳一紫色金足一白翅翅有經脉疑是
雌 魚倉青田溪冬天水熱如湯衆魚歸之
故名 鸞岡在西山洪巖先生乘鸞所憩處

豫章記

鴈塞梁州界東西岑屬大岩無際

中則卑下鴈栖集故名 雞陂吳王牧雞於

此 雞坊唐養鬪雞於此呼雞為戴官郎

雞山者句踐以畜雞將伐吳以食歿士 又詩

雞山別飛響

朱文 綉

雉澗和清音

羅子 鍾

魚山有人一目是少昊子食黍 鶩闕南詔贈

寸魚以胡瓜椒菽和之因名 霍城在長垣

縣夏桀養鶴于此 五羊城吳修為廣州刺

史未至州有五僊人騎五羊負五谷而來今

州庭上圖之為瑞 秦人築城屢崩后有馬

周旋因馬跡城之不崩名馬城 魚城吳王

遊姑蘇築此城養魚故城築以釀酒俗呼苦

酒城鴨城吳王築此養鴨 兔園梁孝王園

多植竹又謂修竹園有百靈山膚寸石棲龍

岫落猿崑作曜華宮 城蜂在馬板城東三里

相傳飢民結侶拾蜂憩息于此 馬徑馬蹄

谷磐石上有馬跡若踐泥自然之形 鹿蹊

取山間鹿兔之蹊 鵲岍今巢縣巢江有鵲

尾渚 鯨灘 鮫灘 鱉池皆漢水東流所

經處 龍泉上有胡鼻山石類胡人鼻故也

下臨龍井清泉深數丈 蜃灘程靈鈇夢篁

墩湖蜃曰吾為呂湖蜃所厄君能助必厚報

束白練者我也明日鈇彎弧助之中后蜃名

其處曰蜃灘后有一道人指鈇毋葬地曰葬

此必貴以白石識其地鈇移父葬之后鈇隨

陳武帝有功陳受梁禪鈇為佐命元勳與周

文育候安都為三傑 雞潮黥風縣有潮雞

鳴聲清如吹角潮至則鳴 狼石潤州有此

石云孔明周瑜坐此謀操 虎丘闔閭葬處

金精之氣上揚化為虎 狼山山多狼眼在

背能食諸獸 鶴澤羊祜鎮荊州於江陵澤

中得鶴教其飛舞以樂賓友 燕石宋得之

以為至寶有客見之胡盧而笑 龜淵羅浮

山有淵淵有神龜人穢淵即澍雨 龍穴在

湘東郡新平縣天旱人共過水漬此穴輒雨

蚕市三月三日祈福于龍橋聚為歡樂名蚕市

成都記

虎市山在南海始興峰嶺高絕虎

之淵藪世受天竺二沙門跋摩改名靈鷲降

伏行旅便之 狼乳溝乃稷弃于野狼乳之

因以名在陝西慶陽府 螻山即牡蠣高四

五尺見之如崖岬呼螻山 鴈塔有比丘見

雙鴈飛翔忽一鴈投下殞因瘞鴈建塔 雞肆

富民羅會以剔糞致富人號雞肆言剔糞有

所得 麋田麋千百為群掘食草根其處成

泥名麋田人隨此種稻不耕而獲數倍

博物志

柳市萬章字子夏長安熾盛街閭各豪俠章住

城西柳市號城西萬子夏 桂道 蘭塔

蒲澗廣州熙安縣東北有菖蒲澗云安期所餌

可以不老 葱嶺沅州有山岩崔嵬生大葱

如人所種往取則難得請神求之不求自出

梓潭有梓樹葉廣丈余垂柯數畝吳王伐作船

使童男女挽之船飛下男女皆溺死至今潭

中有歌唱之聲 米砂袁州鍾山臨水阻峽

濱上有沙如米兩岬各十余斛以之占歲若

一峰偏饒則一方豐熟 杓詣宮杓詣木名
 宮中美木茂盛也 長楊宮備行幸以其多
 楊門名射熊 蘭池宮始皇微行咸陽與武
 士四人俱夜逢盜 梧宮楚使聘齊齊王享
 之此宮使曰大哉梧乎王曰江海魚吞舟況
 大國樹 紅梅閣常州水田寺有禪師黃冠
 薛道光訪之約觀廣陵伽藍會時紅梅盛開
 各執一枝歸后人遂以名 竹宮以竹成甘
 泉祠宮 五柞宮有五柞樹 梅梁夏禹廟

梁忽生枝葉

桐臺卽梧宮

齊地記

桂宮

漢武作周迴十里有寶床寶帳寶屏采寶案
 人謂四寶宮 槐衙天街兩畔多槐故名

柳衙曲江池畔多柳故云 桂嶺在桂陽郡放

花編白滿林清香 竹溪李白與孔巢父韓

準裴政張叔祖陶沔飲稱竹溪六逸 杏園

洲在海南中多杏是僊人所種杏處 橘州

在長沙縣西大水洲皆沒此洲獨存諺云湘

潭無底橘洲浮 黍谷地寒而美鄒衍吹律

而温至生黍 蘭山在蜀敘州夔溪縣界多
生蘭石門尤多 蓬塊徐州人謂塵曰蓬塊
蕙圃崑崙山 花市揚州人無貴賤皆戴花故
開有明橋上有賣花市謂芍藥 槐市太學前列槐
數百朔望諸生各持其郡所有物及經書交
易 松江又名笠澤 椒丘土高四墮 椒
除殿陛之道 柴都在齊國山有泉水如井
狀深不可測甃從井出敗五谷土人以柴塞
之則止故名 莎柵谷在永寧縣李廣射石

入鏃處 陸海秦地有鄆社竹柘彈故名

園苑

明帝起景陽山於芳林園后避少帝改華林又
明詔曰先帝時靈芝生芳林又有甘露降
春山之澤清水出泉温和無風百獸所飲所謂
玄圃 司竹園在盤屋穆王西征植竹于此
上林苑 思賢苑文帝太子立之以招賓客
趙簡子田于嬖園 白水苑覆舟山下林名
黃山苑 長洲苑 長洲苑在吳郡東 又

樂游苑在覆舟山南自生玫瑰樹樹下多苜
菘 金谷園在河南府城西有金水自太白
原南流經此崇因川阜造園有清涼臺卽綠
珠墮樓處

道路

王霸爲上谷大修飛狐道至平城堆石布土三
百余里 文帝迎薛靈芝道傍一里置銅表
以志里數 夷庚往來要道 韋孝寬刺雍
州里堠皆令植槐行旅便之 孔道猶小徑

高駢至安南使者鑿道護送當徑一青石或傳
馬援不能治旣攻有雷碎其石名道曰天威
甬道道上加土 交趾郡治龍編自與古鳥道
四百里 蛇倒退峽路地名銅駝街在洛陽
宮南金馬門外人物蕃盛 蹕道隱以金椎
樹以青松爲馳道之麗 左思冠蓋四術術道也

橋梁

七星橋唐李冰以應七星 柳項橋在尚書省
可望南宮 銷魂橋長安送往迎來皆從此

五傳集
卷三
跨穹窿之懸磴

懸磴石橋

蒲津橋天下要津明

皇鑄八鐵牛八牧人柱二十四連鎖十二條
立亭其中有虹蜺狀天下奇觀 霸橋長安
東送客至此折柳贈別 趙州石橋魯班作
有張神乘驢過而橋動班以手托今有手迹
橋上有驢跡 燕有五丈橋略約橫木渡水
者 仇池有博山橋 覆津 鹿角

館驛

襄陽縣南方有桃林館是餞行送客所 飛廉

上蘭皆館 荆南五花館待客之上地 慕

容氏云有熊氏之裔邑于紫濛之野紫濛館
名 渭陽館魏明帝爲舅氏築 明皇過上

亭驛問黃繡綽車上鈴似人語對曰似言三
郎郎當故又言琅璫驛 遽廬傳舍

漢武好微行常至栢谷夜投亭長宿不納乃宿
逆旅翁又微行遇辱竇門其妻識之饋返玉
階厚賞賜河津令鬻渡

塋地

郭璞為王敦所害璞曰坐何之曰南山之首雙
 栢之間 鄭祭仲塚有栢故株之上多生稚
 栢望之青秀 唐智母歿道士以竹表地曰
 必兩世方伯須臾枯 竹生枝莖後至方伯
 孫鍾種瓜為業有三少年詣鍾乞瓜曰此山
 下善可為塚下山三十步皆忽化白鶴即堅
 莖地也 處士王樵預卜地為窳名蠶室后
 以病即入臥室中閉戶而卒
 玄宗幸蜀見金粟岡有龍盤鳳翥之勢因諭群

臣后莖

舜莖蒼梧有鳥馮宵啣青沙珠成壘曰珠丘其
 珠輕細如塵名珠塵 青松宅墳也 黃壚

泉下 漢宗資墓前兩石獸曰天祿辟邪

唐姚勗自作壽藏號寂居穴 陳州柳湖鉄墓

云陳胡公墓水啣其趾有鉄錮之 積尸封

土曰京觀 京大也 觀示也 語曰無穢虐士 墟謂歿

者 聚景園回回叢塚在焉 裴俠遭父喪

擇地忽聞空中人曰葬桑東

程靈銑夢篁墩湖蜃曰吾爲呂湖蜃所厄君能助必厚報束白練者我也明日銑彎弓中后蜃名其處曰蜃灘后有道人指銑母地曰葬此必貴以白石識之銑更遷葬其父后銑隨陳帝有功銑爲佐命元勳

異國

浮忻國貢蘭金泥金出湯泉常見水邊治此金爲器金狀若泥百鑄色變以封函及門鬼魅不敢近 貳軫國名

金微山在韃靼國中去塞外七千余里漢耿夔

任尚曾圍此 輪臺西域地名在車師國西

北千餘里漢武下詔棄輪臺卽此斯榆 姑

繒西夷名 蓬婆雪嶺皆吐蕃城名 擔魯

百濟國邑名猶中國言郡縣 固麻百濟國

王都城名 白題胡名 沒里契丹謂河也

黃支日本之南出犀 居延卽流沙城在陝西

甘州衛城東北本匈奴地 天方國卽西域

四時皆春禮拜寺每方九十間白玉爲柱黃

甘玉爲地 蹇涓國畫工列裔刻兩白玉虎
毛如生不點目始皇點之虎飛去 忽魯謨
斯國人富饒五_山連皆是鹽 佐法兒國人捕
海魚晒乾大者人食小者養牛馬 刺撒國
疊國爲屋三四層上待客下居僕隸喪葬有
禮 阿丹國出羚羊名九尾羊 堅昆國名
西羗 泥離國其人入中國云自雲裡而行
聞雷霆之聲在下旃塗國人獻鳳 燃丘國
獻比翼鳥使發時並童稚到京髮皆白及還

國容貌仍復少壯 扶婁國人並機巧善變

化易形改服 修塗國獻青鳳丹鵲 西涼

國進瑞炭燒之無燄有光一條可燒十日

浮提國獻神通善書二人以金壺墨汁洒地皆

成篆隸科斗 陰山朔方之北雲中之南代

郡之西齊關之東 又有陽山 金山匈奴

北部之地卽瀚海 浚稽山在武威塞北匈

奴以爲蔽障路 賀蘭山有林木青白望如

駿馬北人呼駝馬爲賀蘭 臚支山匈奴失

之歌曰失我臙支山婦女無顏色 天山即

祁連山又名時漫羅祁漫羅皆謂天也撐梨

為天 木骨都束國出金錢豹不雨 大葛

蘭國小葛蘭國出胡椒少米谷 溜山洋國

有八溜民捕溜洋大魚以代糧食 竹步國

數年不雨草木不生婦人出不露身面 卜

刺哇國鹽池以樹枝投池良久結成白鹽風

俗淳 其一種曰印度夫守義妻死節一歲

二收波羅蜜大如斗 榜葛刺國國王甚富

常以薔薇露飲天使恐酒亂性也 柯枝國

又一種名木瓜穴居巢樹捕魚為業 古里

國行者讓路道不拾遺 錫蘭山國產寶石

真珠米谷民富饒 渠胥國獻玉駝鳳皇火

齊鏡暗中視物如晝向鏡語應聲而答 祖

梁國獻蔓金苔色如金延蔓波上光出照日

如火 浮支國獻望舒草紅色近望如卷荷

遠望如舒荷 頻斯國人來朝不食中國滋

味金壺中漿凝如脂嘗一滴壽千歲 因墀

國獻五足獸狀如獅子 鬱夷國貢神膠接
弓弩弦百斷百續 沐胥國來朝五年方至
有道術人尸羅能於指尖出 浮屠十層高
三尺吹之漸入雲裡左耳出青龍右出白虎
盧扶國人知孝讓送死葬號泣動林谷水爲不
流水爲改色 騫霄國獻刻玉善畫工 波
祇國出文螺之卮酌洪梁縣之酒 月氏國
貢雙頭雞鳴則俱鳴 渠搜國西有祈淪國
人多壽有壽木林人息此下皆壽 因霄國

人善嘯丈夫嘯聞百里婦女嘯聞五十里如
笙竽之音舌尖倒向喉內以瓜刮之聲愈遠
背明國在樂浪扶桑東有融澤方三千里五谷
皆良 含塗國貢珍怪鳥獸皆能言語雞犬
死者埋之復活 條支國貢鳩鵲高七尺解
人語國太平則此鳥群翔 尸塗國青色牛
日行三百里足如馬蹄 腹提國石藥香此
石重叠狀如雲母辟惡厲疾 胥徒國沉明
石雞大如燕常於地中應時鳴掘地得太平

時翔飛為瑞

西域

龍骨河 昏木輦河濶數里 業瞞城 孛羅

城 西注為海多魚 海鐵山 多巨風吹行人墜海

赤木兒城 亦運河 土人云黃池也 賽藍城 別

石蘭 地名 忽章河 船如弓鞋 南大山 多玉疑即崑崙

暗不河 秋雨溉田 里丑城 多桑棗 馬蘭城 納

商城 草皆首皆 殫埽兒城 蒲山皆鹽如水晶 木乃奚

名國 訖立兒城 蛇皆四跗首黑身黃吐紫艷 阿刺丁城

乞石迷西 佛國名 印毒國即身毒 出金剛鑽 富浪國

在西海西婦人衣冠如畫菩薩 羅子國 出珍珠 密昔兒即唐

拂菻地去京四萬里多產珍異 幽厓極北

朱垠南方 蠕蠕東胡苗裔以其無知故以蟲

名 無定河一名奢延水又名銀水唐立銀

州后因急流潰沙深淺不定故曰無定

阿魯國人常駕獨木舟入海捕魚入山采米腦

香物為生

土河 潢河 木葉山 遼祖始於此至元魏名契丹

長白山 白衣觀音所居其山中禽獸皆白黑水發源于此舊云栗末河后改混同江

西樓 有蒲瀕水叢生可為箭即董澤之蒲 激海 有紅鱗大如碗 渤海

去燕京女真所都皆千五百里 三城 金粟五花 八館 蒙骨國

即唐書蒙兀部 寧江州去冷山百七十里

地苦寒多草木如桃李之類皆成園至八月

倒地封土覆其枝葉厚培根季春出之否則

凍死

盧溝河即盧龍燕人呼水為龍呼黑為盧又謂

黑水河 黃河自鹽澤西來

玉門陽關在漢龍勒縣玉門在縣北陽關在玉

門南故曰陽

居庸關太行山百千里自麓至脊皆陡峻獨有

八處粗通微徑名居庸關即第八陁此陁通

行處止濶五步即井陘 麻逸凍在交欄山

西南洋海中婦人多死節 龍牙如貌之地

人重親戚尊長一日不見携酒殺問安 陶

里花陶里是兔花是射 賽離拾躓離拾是

好 担褐爛担褐是狗爛是頭 抄離討抄

離是戰時是時 捏骨地是跪 塞痕或謂
好也 沙袋以革爲囊實以沙石繫於杖頭
以杖人 窪勃辣駭爲敲殺也 田獵以隨
駕軍密布四圍曰圍場令禽獸入圍射之
論國大事皆環坐畫灰而議不聞人聲 人日
煎餅於庭中爲薰天 重午日射柳祭天祭
時焚飲食各物爲燒飯 五月十三日放賊
偷謂鶻里時鶻里是偷時是時 夏至婦人
進脂粉囊及扇謂朝節

九月九日謂必里遲離 十月祭木葉山神呼
此時爲戴辨是燒甲 真臘國以十月爲正
月名佳得每月必有事四月拋毬五月迎佛
水七月燒稻八月挨藍藍舞也九月厭獵
匈奴呼天曰祁連西域曰提婆胡元曰統格落
雷鳴謂天叫卽恐不行師 撐犁是天孤塗是
子胡言天子 算灘猶國王也 暹羅稱學
士爲岳坤 移離畢契丹官名如中國執政
長入人謂每日在至尊左右曰長入謂天子爲

崖公謂歡喜爲蜺斗 外夷稱宰邑爲啄評

元朝有怯薛分宿衛供奉之士凡上有飲食服

御皆總焉中有都赤侍御至親近者佩環刀

於腰負骨朶于肩又窵骨朶宋景文筆記云

關中腹大者爲胛音孤胛音都杖頭大者亦曰胛

胛後僞爲骨朶 以奉使爲宣差 元朝有

貴田赤快行是也 屯聚之地曰置庭

師所駐曰建牙其實一也 真蠟國呼父叔爲

巴駝呼母爲米及姨媪年長皆同稱呼兄及

姨曰邦呼弟曰補溫呼舅爲吃賴呼姑夫爲

孛賴呼秀才曰班詰呼僧曰苦姑呼道士曰

八思夫謂妻爲薩薩妻謂夫爲愛根 蹋鴟

謂巾 橈於椀木理多文縷可愛用爲椀

大軟脂小軟脂如中國寒具 回回老人願捨

身濟衆絕飲食惟啖蜜死則用石棺以蜜浸

屍百年後啓封則蜜劑也凡人損折支體食

少許卽愈湏彼中亦不多得俗曰蜜人番言

木乃伊

王侯集 卷三
胡人彈骨以酒置人頭骨中飲以盟越人嚙臂
爭訟不決令原被各坐石塔中理曲者自得
病証名天獄

女真野生白芍藥無紅者取其芽爲菜以麪煎
之待客齋素用無生姜每兩價值千二百錢
偏桃出婆斯呼爲婆淡形似桃而偏故名肉苦
核 西瓜形如匾蒲而圓色極青翠經歲則
變黃能愈目疾 青草記年不知正朔惟以
草青知一歲月圓知一月

阿只兒狀如苦參治馬鼠瘡婦人損胎打撲損
阿息兒狀如地骨皮治婦人腹衣不下又治餘
瘡

奴哥撒兒狀如桔梗治金瘡及腸與筋斷者
以馬爲卜賽 呼雞聲曰樂 呼猪聲曰直盧
呼牛爲箇

五
例
集

卷
三

三
九

國

